

jure quantus es effecit; tu in regem natumque ejus optimum Ludovicum feliciter regnante, exsultato feroci discrimine, potestatem refudisti. Sicque per te qui nequaquam esse desierat, quodammodo tutius rex fuit, quando, metropoli Franciae suo conciliata principi, a quo minime exciderat, throno melius asseri visus est.

At aliunde si Guibertum foveas, si suigeat in ortu suo, te juoente, quia noster est, non magis qua sis in abbatem istum bènevolentia, quam incredibilem erga me universosque congregationis S. Mauri Benedictinos humanitatem declarabis. Et vero quam liquido jam dudum declaraveris, non est quem fugiat. Accepimus, præses humanissime, quæ fuerint familiæ nostræ per Galliam initia, inspicimus quæ sint incrementa, suspicimus utrumque beneficium congregationi nostræ ab Amplitudine Tua studiis assiduis impensum: utrumque ex tua benignitate, velut ex fonte uberrimo scaturire, perennare, nobis gratulantur bènevoli nec invidi negant. Tu namque cum procuratoris regii munere fungereris, cura nascentem excepisti; inde ubi ad summum justitiae tribunal tua te virtus extulit, ne tum quidem curatoris pro ea partes exuisti; ast majori auctoritate suffulciens, adolescentem juvisti præsidio, obsfirmasti opera, jure protexisti.

Insuper placere sibi mirifice venerandam veterum scriptorum doctrinam pro sua erga omnes urbanitate mihi significavit Amplitudo Tua; dum enim epistolam S. Barnabæ a Menardo nostro elucidatam, tuo dicatum nomini, obtulisse, scrutandis bibliothecis, antiquioris ævi doctoribus e pulvere excitandis, ac sue restituendis nitori, tua præluxit, quæ mihi summa est, auctoritas. Proinde placebit et opella, quam in edendis observationibus quantulamcunque collocavi; non quod Guiberto lucem afferre queam, verum quod nimium splendorem, qui debiles forsitan oculos perstringeret, moderari utcunque nitor. Placebit, inquam, utpote in tuo Benedicino congregationis S. Mauri solo sata nataque, ad te pleno ac solido jure refunditur; nimirum fundi dominum sequuntur fructus. Placebit tandem non quia edidi, sed quia judicasti, imperasti. *Tibi enim dedit Deus summum rerum judicium, mihi obsequii gloria relicta est (11).* Relicta est et cunctis congregationis nostræ alumnis, quod omnium votis defert ac profitetur

*Amplitudinis Tuae deditissimus*

F. LUCAS D'ACHERY,

(11) Tacit. lib. vi, post initium.

## LECTORI.

Cum multa quæ hic præfari oportet, in observationibus attexui, non est quod prolixo te proloquo, Lector eruditæ, distineam. Hæc pauca te duntaxat præmonebo. Sæpe et multum apud me dubius et anceps fui, num studium et operam in edendis Venerabilis Guiberti de Novigento Operibus collocarem, necne, erant enim et præ manibus vetustiora; adsuere interim viri doctrina, sapientia et pietate clarissimi, quibuscum de antiquis auctoribus tenebris hactenus obvolutis confabulando, incidissem in præfatum abbatem, magni Anselmi discipulum; deque illius recondita litteratura, doctrina, verborum venustate et eloquentia, nec semel sermones ultro citroque habuisset, me sæpiuscule compellarunt et aliqui sunt obtestati, quatenus Benedictini Operum prelo committendorum, provinciam ego Benedictinus susciperem. Quorum suasionibus impulsus ad opus actutum me libenter accinxii, pervolyi schedulas diligentissime, curiosos antiquitatum exploratores conveni, omnes bibliothecarum (ad quas patuit aditus) forulos pluteosque partim ipse perlustravi, partim perlustrando curavi; et quidquid menti, quod rem hanc illustrare posset, occurrit, conquisi

Ac primo quidem libellum, *Quomodo sermo fieri debet;*

A Commentarios, seu *Moralium Genesios lib. X*, supeditavit Biblioteca Regia.

*Tropologiarum in Osée, Amos et Lamentationes Jeremiæ*, apographum perantiquum (monasterii quondam Valcellensis cong. Cisterciensis in diœcesi Cameracensi) a decennio germanus meus Eustachius d'Achery.

*Tractatum de Incarnatione contra Judæos;*  
*Lib. de laude B. Mariæ;*

*Opusculum de virginitate*, e codice ms. collegii Parisiensis S. J. indicio R. P. Jacobi Sirmondi ex prompsi.

B *Epistolam de buccella Judæ data primum in bibliotheca V. C. Joannis Bigot in Rothomag. vectigal. curia senatoris, exscribi curavi*; deinde ad binam mss., alterum Bibliothecæ Regiæ, collegii Parisiens. S. J. alterum, contuli.

*De pignoribus sanctorum libros tres mutuavit Biblioteca Regia.*

Cæterum præfatos ejusdem bibliothecæ, velut et collegii Parisiensis codices (si conjecturis indulgere liceat) juris olim exstitisse Novigentini cœnobii, atque adeo Guiberti (quippe ferunt ipsius ætatem) initium cujusque volumini præmonstrat.

Historiam Jerosolymitanam, sive *Gesta Dei per Francos*; primus evulgavit Jacobus Bongarsius upa

cum aliis ejusdem historiae scriptoribus an. 1611, cui A collectioni titulum fecit, ab Guiberto mutuatum, *Gesta Dei per Francos*. Nos vero in hac editione repetita libros in capita digessimus. Sancti Remigii Remens. codex, manu peroptima exaratus, suppetias eorum quae in fine libri noni, alio ab auctore editi, desiderabantur, ivit. Usi quoque sumus altero Corbeiae antiquae ms., quo plerisque in locis nævös qui librarii forsitan vitio, sive typographorum oscitantia, irreptarant, abstersimus. Versus ordinatim poetico more disposuimus; adornavimus oras diversis passim annotationibus.

Postremo abbatis nostri *Librorum de vita sua* apographum tantummodo invenire fas fuit, graphicè quidem ac recentiori manu scriptum, sed mendis scatens quampluribus, inversa verba, sententiæ interdum aut mutatae aut prorsus sublatæ, ut nonnulla penitus insipienti mihi fuerint yix non divinanda; cætera vero quæ me præteriere verba, eorum loco puncta supplevi, seu margini ascripsi quædam alia. Audiveram sane et multoties repetitum agnoveram, autographum ad nostra tempora inter Ecclesiæ Laudunensis vetustos codices asservatum, ac postmodum antiquæ rei perito viro D. Dey, Doctori Parisensi (qui pridem obiit), collatum; quas autem in manus posthac devolutum fuerit, omnem movi lapidem quatenus compere valerem, sed frustra.

Et cum Guibertus tertio libro *De vita sua* potissimum referat qui cives Laudunenses immanissimorum grassatorum more bacchati fuerint, dum non sexui, non ordini, non ætati ulli parcerent, cæde ac sanguine compleentes omnia; qui pastorem suum nece affecerint quam acerbissima; qui episcopale templum incenderint, et alia id genus crudelitatum patraverint, *Libros tres Hermanni monachi de miraculis S. Mariae Laudunensis* instar appendicis adjiciendos censui peropportunitum; utpote qui prolixam non modo continent reparatæ et urbis et ecclesiæ Laudunensis historiam, verum etiam coætaneum Guiberto scriptorem agnoscent.

Præter superius enumeratos Guiberti fetus, edidisse et *Capitularem libellum de diversis evangeliorum et propheticorum voluminum sententiis*, notat ipsem lib. i *De vita sua*, cap. 46. Ast alicubi haud dubie in pulvere et situ latere nunc usque dierum; vel potius dixerim ab ipso parente suppressum, quod minime perpolitum, his ex verbis indidem subodorari libet: *Cui (libello) huc usque finem dare differo, quia his explicitis quæ in præsentiarum teneo, in similibus exerceri aliquoties, Deo suggestente, delibero*. Etenim ubicunque libellum delitescere suspicabar, nisi inutili perquisivi.

Observationibus et notis quædam auctoris opuscua, non tam mea sponte, quam nutu eorum et auctoritate, quibus votiva obedientia obstrictus non obtemperare mihi religio est, illustravi. In iis porro quid præstiterim, paucis id absolvam.

Præ manibus esse ubi advertissem plurima antiquitat's monumenta, mediæ et auctoris nostri ætatis maxime (auctores enim nondum editos sæpius, alios perraro ad testimonium cito), mentem induxi data occasione identidem ea internectere, ea de re nimis, ut ejuscemodi mercium appetentibus, aliquo, usque, dum majora parant nostri, facerem satis. In iis animo proposui nihil non discussum, nihil non fideli optimæ eventilare. Scio nihilosecius ego, et probe teneo, *neminem esse tam felicem, qui non subjectus sit errori, et hoc non dementis esse proprium, sed hominis*. Itaque, Lector benevole, æquanimitatis tuæ erit si quæ errata, leniter et amice castiges; si quæ chartarum, diplomatum, aliorumve similiū displiceant, quæsq; illa ne facessant negotium: ecquis enim hominum votis omnium respondere quibit?

Quoniam haud ad solitam magnitudinem volumen excrescere animadverteram, quædam ad illustrandos Guiberti libros *De vita sua* observationibus additamenta subjunxi; nempe, *Vitam S. Geremari abbatis*, ex monasterio Conchensi; *Vitam B. Simonis comitis Crespeiensis*, quæ ex codice ms. Cœnobii Ursicampi ad me transmissa est: *Vitam S. Salabergæ S. Joannis Laudunensis proto-antistitæ*, cuius quidem era texemplar, sed adeo mendosum, uti spem ejus evulgandæ prorsus abjecisset, ni præsto ad suis set noster D. Placidus Bertheau, eamque ipsam ope codicis ms. Ursicampensis mendis prope innumeris. velut in marginibus cernere est, corrèxisset, emendasset. Quod meum fuerit consilium illas publicam in lucem Vitas emitendi, habes paginis 596, 602, 652 (12).

Deinde, insigne *Hugonis Rothomagensis opusculum*, tribus libellis distinctum, contra hæreticos sui temporis. Istud cum blatis ac tineis rixans huc usque, e codice ms. S. Martini Parisiensis exscrispsimus, ac publici facimus juris. Hugonis elegia et epistolas videbis pag. 687 et seq.

Præterea, *Roberti de Torinneio* (Torigny), vulgo *de Monte abbatis*, (hoc est monasterii S. Michaelis de Monte-Tumba, sive in *Periculo maris*) vocatæ, *Accessiones, et Appendix Germana ad Sigebertum*, nec non *Tractatus de immutationibus monachorum, de abbatis et abbatiis Northmannorum, et aedificatoribus earum*. Appendix dupli citatus sum exemplari, primigenio altero S. Michaelis de Monte (quod infra pag. 715 prænotavi), altero Gemeticensis asceterii: nonnulla ex parte posterius priori contractius, quæ vero in Montensi non exstabant charactere Italico, atque asterisco, nota junculaque margini adjecta demonstratur. Verum pretium operæ est, Lector, animadvertas, puta initio codicis ms. nec non in prologi, atque in ipsius Appendix, qua de agitur, titulo prænotatum, quod ad annum 1184 Appendixem Robertus protraxerit; qui tamen ad an. 1182 duntaxat illo Appendix prologo concinnasse profite-

(12) Numeri crassiores textui nostro inserti paginas editionis Acherianæ repræsentant. EDIT. PATR.

tur : unde subdubitari datur vel Robertum posteaquam prologum consecisset, fuisse ultra progressum; sive alium quempiam duorum annorum seriem una et continuationem texuisse.

Quid me tandem causæ moverit ad isthac evulganda quæreris? noscet antelouatio inibi præfixo, pag. 715.

Cæterum qui mihi fuerunt auxilio, eorum nomina, præter laudatos in hocce proloquo, suis locis non omisi; tum ut fidem liberarem, tum maxime utili alienos labores, beneficia, grato animo commemo rarem. At sunt haudquaquam prætereundi, impri mis VV. CC. Puteani fratres, multiplici eruditione celebres; quotquot opus fuere codices et Regiae et

A suæ Bibliothecæ ipsi solita comitate, proque innato, non vulgari erga litteratos affectu, commodarunt. Franciscus Duchesne, rei historicæ non ignarus, inter alia Historiam canonici Laudunensis, propria parentis Andreæ Duchesne manu exarata, ullo concessit. Et noster Philippus de Romagny, serio et sine ambitione doctus, qui multum operæ ac laboris insumpsit, qua describendis diversis in hoc volumine contentis operibus, qua denique locis divinæ Scripturæ adnotandis.

Atque hæc de auctoris Operibus et Additamentis. Tu, Lector, vale, et juvante, aut certe volentem, ama.

### VENERABILIS GUIBERTI ABBATIS VITÆ

#### SYNOPSIS.

(*Paucula in antecessum aum integros De vita sua libros revolas, gestorum Guiberti summatum oculis obficienda censui.*)

Guibertus, ex oppido Belvacensi oriundus, splendore natalium posthabito, monachale colloboium in Flaviacensi, sive S. Geremari cœnobio, diœcessis itidem Belvacensis, induit; ubi apprime cum pietate, tum litteris est excultus; sed et se potissimum a S. Anselmo Cantuariensi, tunc Beccensis asceterii priore (qui Guibertum amoris erga saepius invisebat) instructum qua ratione intelligendæ aperiendæque forent divinæ paginae, gloriatur lib. I. De vita sua.

Guiberti religionis, prudentiæ, doctrinæ fama longe lateque pervulgata, tandem a monachis B. MARIE de Novigento, in territorio Laudunensi situ,

B prope Couciacum, anno Dominicæ Incarnationis 1104 eligitur in abbatem: quo in munere per annos viginti, tam elucubrandis variis operibus, quam saluti animarum suis concionibus (quidquid sacræ Scripturæ est interpretatus, in gratiam concionatorum id egisse declarat) nec non confutandis hæreticis et coram et scriptis invigilans, allaboransque, præclare, sapienter prudenterque sese gessit. Pie admodum in Dei Matrem affectum fuisse passim prædicant sua scripta. Naturæ concessit anno reparatæ salutis 1124.

## TESTIMONIA DE GUIBERTO ABBATE.

*Manasses, episcopus Suessionensis, in charta infra posita pag. 625.*

Praerat siquidem illi monasterio (Novigento) domanus Wibertus abbas, qui sapientia et innocentia sua nos sibi valde conglutinavit. Et post pauca: Idem enim abbas religioso quo pollebat consilio, etc.

*Martyrologium vetus ms. Laudunensis Ecclesiæ.*

Hæc et alia quamplurima ad tam immane scelus pertinentia niemoratus abbas (Guibertus) qui his diebus præsens aderat, plena fide et veritatem conscripsit, etc. *Videsis in observationibus pag. 652.*

*Canonicus Laudunensis in Chronico ms., de quo nos inferius pag. 646.*

Hic (Galdricus) dum aliquando a dedicatione ecclesiæ redisset, etc., dicentes vulgariter quod abbas Wibertus poetice sic exposuit, etc.

*Joannes Halgrinus cardinalis, de Abbatis-villa nuncupatus, Summæ ms. quam asservat bibliotheca S. Michaelis de Monte, Guibertum diversis sparsim locis citat ad hanc modum:*

Guibertus in Moralibus super Genesim, etc.

*Jacobus Bongarsius in præfatione.*

Guibertus, abbas monasterii B. Mariæ Novigenti, quod situm est sub castro Codiciaco, in pago Lau-

dunensi: ipse tituto operis et sine præfationis. Vixit illa ipsa ætate cuius Historiæ partem describit; et scripsit Balduino, fratre Godefridi regnante; lib. II, cap. 12, et lib. VII, cap. 21. Boemundo marito Constantiæ regis Francorum filiæ: *extremo lib. I.* Biennio, post Manassis Remorum Archiepiscopi mortem: *extremo lib. VI.* Finem scriptiori imposuit mortuo jam Boemundo: *lib. ult., cap. 38.* Anno post Gervasii egregii militis martyrium: *lib. eod., cap. 40.* Interpretém se profitetur alienæ historiæ: *lib. II, cap. 10 et 13.* Et ipsa epistola ad Lysiardum, et quæ eum sequitur præfatione: quod ipsum in eodem argumento factum Roberto monacho, et Baldrico: *supra.* Supplevit, ut et illi, quæ deerant; ex eorum qui viderant relatione: *lib. II, cap. 3, lib. III, cap. 13, et lib. VII, cap. 24, et ult., etc.* Scribendi rationem suboscuram secutus est, rudium et impolite dictorum fugitans, ut ipse loquitur, *princ. lib. V.* Operosam verborum elegantiam vocat, *fine epistolæ ad Lysiardum.*

Nobili loco natum inde apparet, quod *lib. IV, cap. ult.*, hominem narrat militarem, equestri officio insignem, parentum suorum beneficia tenuisse, iisque hominum debuisse. Et *lib. V, cap. 15.* Guillelmi et Alberici fratrum ex municipio agnomen exprimere prohibetur pudori ipsorum parcens, generis eorum amica sibi consanguinitate devictus. Exprimit autem quod ille supprimit nomen Baldricus, et *Guillelmum*